



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

CVII. Bischof Johann von Havelberg entscheidet Streitigkeiten zwischen dem Comthur und dem Rath zu Werben, am 5. Mai 1503.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

CVII. Bischof Johann von Havelberg entscheidet Streitigkeiten zwischen dem Conthur und dem Rath zu Werben, am 5. Mai 1503.

Wir Johans, von gotts gnaden Bischoff to Havelberge, Bekennen offentlig vor allemeynichlich vnnnd suft vor alzweme mit dessem breue, dat wy vp ankenth des Hochwerdighen hern, hern Jurgen von Slaberndorff, Ordens sancti Johannis In der Marken, Stettin, pomern etc. meyster vnnnes liuen herren vnd vedders, ock vth flitigere bede des Werdigen herrn Lyborius Scaplo Cumptor vnnnd der Erfamen Borgermeister vnnnd Rathmanne der Stadt werben, aller twiuerdicheyt vnnnd jrringen, twuschen sie von wegen etlicher gerechticheyt vnnnd alde gewanheyden der kerken denre dar sulues to werben enthalten, de suluen In fruntschopp to entscheyden mochten annemen, Also hebben wy upgedachte herre Johans vth solchn erfochen vnnnes heren vnnnd vedders anbringent, ock vth beyder parthe wethen, willen vnd fulborth, fodane Irrunge nach vorhorunge gantzlich entrichtet vnnnd vth vullermacht sie vns vor sick vnnnd ere nakamen gegeuen allenthaluen In nachfolgender wyse gruntlich vnd vnwedderroplich entscheyden. Thom Ersten des Ouerkosters haluen will de Cumptor em syne prebende auendt vnnnd morgen geuen, Wie von Olders gesehen, doch dat sie sick In deme, wes hie em also giff, dar mede eyn persone sick redelich vnd woll entholden mach, Bonogen lathe. Wereth auer gedachte koster bauen solcks fynen mothwilln vornheme, Szo scholln vnnnd willn der erbonomeden Rathmanne den suluen straffen, vnd so hie de straffinge worde vorachten, arloff darumme geuen. Thom andern von wegen des Scholemeisters vnnnd syn Locaten schall vnnnd will der Cumptor ene de maltiden upp de festen In nachfolgender wyse geuen, Sunderlich dem Ouerkoster am pasche auende de maltidt, Am pasche dage, Am Mandage, dinxstage, Middeweken Im hilligen paschen vnnnd Am dage, wen men den Crefem Inhalet, Am dage Georgii, Marci, Philippi vnd Jacobi, Inuentionis crucis, Seruatii, Am Mandage, Dinxstage, Middeweken In der Creutzweken, Am Auende Ascensionis, Am dage Ascensionis, Am pinxsteren auende vnd daghe, Am Mandage, dinxstage, Middeweken Im hilligen pinxsten, Am dage Corporis cristi, Bonifacii, viti, Am Auende vnnnd dage Johannis Baptiste, Am dage Johannis vnd pauli, petri vnnnd pauli, visitationis marie, diuisionis apostolorum, Marie Magdalene, Jacobi, Inuentionis Stephani, vincula petri, Sixti, Laurentii, Assumptionis marie, Bartolomei, decollationis sancti Johannis, Natiuitatis marie, Exaltationis sancte crucis, Mathei, Mauriti, Michaelis vnnnd des andern dages dar nha, Am Mandage, Middeweken, Frigidage in der gemeynen weke, Am dage Gallj, Luce, Simonis vnd Jude, Omnium sanctorum, Animarum, Martini, Presentationis marie, katherine, andree, Nicolaj, Conceptionis marie, Thome, Am auende vnnnd dage Natiuitatis domini, Stephani prothomarthiris, Johannis ewangeliste, Innocentium, Circumcisionis, Epyphanie domini, Conuersionis pauli, karoli, purificationis marie, Cathedra petri so dat kumeth buten der vasten, Mathie, Annunciationis marie, Am guden dorredage, Item vnnnd alle Sondage dorch dat gantze Jar. Item deme Scholemeister mit sampt fynen locaten vnnnd vnderkoster Am pasche dage maltidt vnnnd des Mandages vnnnd dinxstags Im hilligen paschenn, Item an den hilligen Sondagen Quasimodogeniti, Misericordia domini, Jubilate, Cantate, vocem Jocunditatis, Am dage philippi vnnnd Jacobi, Inuentionis sancte crucis, Ascensionis domini vnnnd am Sondage Exaudi, szo In sunte Ghertruden Capelle dedicatien werdt gehalten, maltidt este eyn schilling von dem pernere, vnd suft in allen dedicatien scholln gegeuen werden, Item am hilligen pinxster dage Am Mandage, dinxstage Im hilligen Pinxsten maltidt, Am dage Trinitatis, Corporis cristi, Johannis Baptiste, Petri vnnnd pauli, Visitationis marie, Am Sondage nha diuisionis apostolorum schal men holden myt der Dedicatien thom hilligen gheyste, wo bororet is In der dedicatien to Sunte Ghertruden vnnnd gelick also, wennere dat gehalten werth de Dedicatien to Sunte Jurgen, Item Am dage marie magdalene maltidt Am dage Jacobi, Inuen-

tionis sancti Stephani, Laurentii, Assumptionis marie, Bartolomei, Dedicationis In parkerken, Natiuitatis marie, Exaltationis sancte crucis, Mathei apostoli, Michaelis, Simonis vnd Jude, Omnium sanctorum, Martini, katherine, Andree, Nicolai, Conceptionis marie, Thome apostoli, Natiuitatis cristi, Stephani prothomartiris, Johannis ewangeliste, Circumscisionis, Epyphanie domini, Conuerfionis pauli, purificationis marie, Mathie, Anunciationis marie, wo bauengeschreuen vnd von Olders gehalten. Dar vor schollen sie der kercken treulich denen vnd dem perrere, wes hie en also, der fuluen kerken andrepende is, heth vnd vorbuth, willigen dhon. Wereth fake sie sich dar Inne an syngen, klokenluden vnd andern gadeszindisten vngheorfamlich ertogeden vnd hilden, Scholln vnd willen de Rathmanne den fuluen upp erforderinge des perrers vmme billiche vnd redeliche vrfaken straffen vnd vnderrichten, darmit solchs mher vorblue. Geschehes ouerst, der effte die fulue sick dar ane nicht keren wurde, scholln sie en alsodenne arloff geuen. Szo ock de gemelte Rathmann In dem sumich weren, schall de parner den vngheorfamen die kercken vorbeden vnd en arloff to geuen macht hebben. Item Szo oft vnd vaken der Erbonomede Scholemeister, Locate vnd koster In vorschreuen setten de maltiden hebben, scholln sie wenn ere de perrere vnd ordens herrn nach der maltidt upsthan, eyn Ichlicher In syn boholt ghan. Thom drudden der Collatien haluen, wie suslange den vorbonanten gegeuen, Schall vnd will der Cumptor dem Scholemeister, Locaten vnd kostern alle ferndell Jars eyne halue Tunne werbens bier zu weddirstadinge geuen, darmit schollen alle ander Collatien upp de feste to halen affgestellt, der fuluen gefediget vnd sich dar an bonogen lathen. Furder de Terminarien, Vicarien der kercken sampt dem Orgenisten vnd Lichtnomen scholln to allen viergetyden Im dage Johans Baptisten vnd wen die Dedication der Erbonomeden kerken gehalten werden, welkere tor vesper Im Magnificat vnd des morgendes In der processien synt, maltidt vnd wo wontlich Collatien mit dem perrer hebben vnd gegeuen werden. Item der hilligen Bancke haluen Is boredeth, dat die fulue schall ganz affgestalt wesen, vnd die vorstender der kerken scholln solche Bilden vnd Reliquien in ere vorwarunge hebben vnd to allen festdagen nach gelegenheydt der tydt up dat altare setten, vp dat ydolatria vnd fust myszgelouen, so dar von kamen mochte, vorbliuen, de fuluen, also Cleynode der kercken, wedderumme In ere vorwaringe nhemen. Item vorthmer Is der Bruderschopp haluen besprakenn, dat nemant de fulue to wynnende Im Leuende effte dode schall vorfrickt edder vorpflicht syn vnd eyn Ichlich schall macht hebben vnd nach synem vermoge, wenn er eyn dode effte lick bograuen werdt, alle prestern vnd Scholmeistern mit den Scholern effte eyn deyll der prestern vnd scholern hebben will, vnd steyt eynem Idermen to synem gefallen. Thom latesten vmme vnd von wegen der vehere up der Eluen is vorlathen, dat de Cumptore syne ordens heren vnd syne denre der kercken, wes die fuluen also to erem eygene bohoue notroftlich synth, frye vehern hebben. Schall vnd will sick der Cumptor wedderumme Inholt eyns vorrigen Receffz billich schicken vnd holden vnd so effte eyn Nieschypp gebuweth werdt Teyn schillinge geuen. Darmit scholln alle vnd Ichliche bauengeschreuen Irrunge vnd twiuerdicheyt ganz vnd all entlichen gefzleten vnd vnwedderroplichen vordragen syn. Hir by an vnd auer synt gewesen de werdigen vnse lieue Andechtigen vnd getruwen her Jacob Cluth, Nicolaus Amelunge, Canoniken vnser kercken hanelberg, Er Curdt von Jagow, Er Lucas Ottonis Officiall, Otto von Slaberndorff, Thomas Dobertzin vnse Secretarius vnd mherer Louenwerdighen. To orkunde synt desser Receffz twe geliks ludes eynen by den vorgemelten herrn Cumptor vnd dem andern by upgedachten Rathmannen gelaten mit vnserm vnd vnser Stiffts anhangenden Secrett vorsegelt. Gegeuen vnd geschen to Werben, Nach cristi geborth vestteynhundert vnd Im drudden Jar, Am frigidage Na dem Sondage Misericordia domini.

Nach dem Originale in der Pfarrregistratur zu Werben.